

- Секундарни базен мора бити непропусан за уље и воду.
- Секундарни базен мора имати капацитет да прими 110% цистерне. Ако у складишном простору има двије или више цистерни, базен мора бити довољно велики да прими 110% највеће цистерне или 25 % тоталног капацитета складишта (бира се већи проценат од ова два). Код процента 110% додатних 10% односи се на евентуално просипање цијелог садржаја, пјена од гашења пожара или кишницу 10% је најмање проценат који треба додати. У неким случајевима може се показати да то није довољно, наручито у случајевима када је цистерна смјештена у осјетљивим подручјима, гдје је потреба додатна заштиту.
- Ако је уље ускладиштено у бурадима, базен мора да прими 25% укупна количине.
- Цистерна мора бити постављена тако да се избјегну оштећења од удара. Уколико то није могуће, мора се обезбиједити нека врста заштите у висини одбојника или оградe.
- Секундарни базен не смије имати никакву дренажу нити одвод који би одвео уље или воду из базена у водоток, канализацију или тло.
- Све цијеви, пумпе или друга опрема морају бити у секундарном базену. Сви спојеви морају бити приступачни за инспекцију.
- Све цистерне и бурал морају бити адекватно означени, морају бити назначени капацитет и врста уља.
- Свако складиштење, превоз или третман употребљеног уља мора бити праћен одговарајућом документацијом са наводом кључних физичких и хемијских својстава употребљеног уља, што укључује најмање температуру пламништа, садржаја PCB/PCT и халогена (хлор, бром, флуор).

Na osnovu člana 58., stav 4. Zakona o upravljanju otpadom ("Službene novine Federacije BiH", br. 33/03, 72/09 i 92/17), federalna ministrica okoliša i turizma donosi

PRAVILNIK O UPRAVLJANJU OTPADNIM ULJIMA

I - OPĆE ODREDBE

Član 1. (Predmet)

Podzakonskim aktom propisuju se:

- postupci, uslovi i ciljevi upravljanja otpadnim uljima,
- vrste otpadnih ulja koje se moraju sakupljati odvojeno,
- obaveze i način ispunjavanja navodnih obaveza od strane učesnika u sistemu upravljanja otpadnim uljima,
- načini obrade otpadnih ulja,
- obaveza vođenja evidencije i izvještavanja.

Član 2.

(Područje primjene)

- (1) Odredbe ovog pravilnika primjenjuju se na sve vrste sakupljenih otpadnih ulja, a radi uspostave sistema obrade otpadnih ulja i/ili upravljanja, zaštite okoliša i zdravlja ljudi.
- (2) Odredbe ovog pravilnika ne odnose se na upravljanje otpadnim uljima koja sadrže PCB-e i PCT-e iznad 30 mg/kg, emulzije i zaliženi tekući otpad koji sadrži i ostale onečišćujuće tvari i vodu.

Član 3.

(Učesnici u sistemu upravljanja otpadnim uljima)

Ministarstvo je Federalno ministarstvo okoliša i turizma.

Fond je Fond za zaštitu okoliša Federacije BiH.

Fond za zaštitu okoliša kantona je fond za zaštitu okoliša uspostavljen u kantonu.

Kantoni su kantonalna ministarstva nadležna za okoliš.

Proizvođač i uvoznik proizvoda je pravno ili fizičko lice koje neovisno o načinu prodaje i sjedištu lica proizvodi i/ili uvozi i stavlja (ново или употребљено) уље на тржиште на подручју Федерације Босне и Херцеговине (у даљем тексту: Федерације БиХ), као и лике које врши обнављање отпадних уља те њихов пласман, без обзира да ли су уља произведена у Босни и Херцеговини или су увезена.

Distributer je pravna ili fizička osoba – obrtnik koji u okviru svoje trgovačke djelatnosti u dobavljačkom lancu ulja čini dostupnom na tržištu u Federaciji BiH. Distributer istovremeno može biti i proizvođač i/ili uvoznik.

Krajnji korisnik je osoba koja je koristila ili namjerava koristiti ulje ili opremu čiji je sastavni dio ulje ili osobe koje otpadna ulja proizvode za vrijeme obavljanje svoje registrovane djelatnosti. Krajnji korisnik je fizička ili pravna osoba ili fizička osoba - obrtnik.

Serviser je pravno ili fizičko lice – obrtnik koji pruža uslugu zamjene ulja.

Ovlašteni operator za sakupljanje je pravno ili fizičko lice – obrtnik koje u skladu sa Zakonom ima dozvolu za obavljanje djelatnosti sakupljanja otpadnih ulja.

Ovlašteni operator za tretman je odgovorno pravno ili fizičko lice za tretman otpada - obrtnik koji u skladu sa Zakonom ima dozvolu za obavljanje djelatnosti tretmana otpadnih ulja.

Ovlašteni operatori koji vrše oporavak ulja su odgovorna pravna ili fizička lica – obrtnik, koja imaju dozvolu za obavljanje djelatnosti oporavka ulja.

Inspekcija je Federalna uprava za inspeksijske poslove odnosno okolišno - tržišni inspektorat kao i kantonalne uprave za inspeksijske poslove.

Reciklažno dvorište je mjesto namijenjeno za razvrstavanje i privremeno skladištenje posebnih vrsta otpada pogodnih za reciklažu i opasnog otpada za domaćinstva.

Zakon o upravljanju otpadom ("Službene novine Federacije BiH", br. 33/03,72/09 i 92/17), u daljem tekstu: "Zakon".

Član 4.

(Definicije)

1. **Otpadna ulja** su sva mineralna ili sintetička ulja ili maziva, koja su neupotrebљiva za svrhu za koju su prvobitno bila namijenjena, kao što su hidraulička, motorna, turbinska ulja ili druga maziva, brodska ulja, ulja ili tečnosti za izolaciju ili prenos toplote, ostala mineralna ili sintetička ulja, kao i uljni ostaci iz rezervoara, mješavine ulje-voda i emulzije, u skladu sa Zakonom.
2. **Otpadno mazivo ulje** je svako mineralno i sintetičko mazivo, industrijsko, izolacijsko (ulje koje se upotrebljava u elektroenergetskim sistemima) i/ili termičko ulje (ulje koje se upotrebljava za grijanje ili hlađenje) koje više nije za upotrebu kojoj je prvobitno bilo namijenjeno, posebno upotrebljena motorna ulja, mašinska ulja, ulja iz mjenjačkih kutija, mineralna i sintetička maziva ulja, ulja za prijenos toplote, ulja za turbine i hidraulička ulja, osim ulja koja se miješaju sa benzinima kod dvotaktnih motora s unutrašnjim sagorijevanjem.
3. **Otpadno jestivo ulje** je svako ulje koje nastaje obavljanjem ugostiteljske i turističke djelatnosti, industriji obrtu, zdravstvenoj djelatnosti, javnoj upravi i drugim

- sličnim djelatnostima u kojima se priprema više od 20 obroka dnevno.
4. **Razvrstavanje otpadnih ulja** je postupak selektivnog prikupljanja i nemiješanja međusobno različitih vrsta otpadnih ulja, odnosno nemiješanja otpadnih ulja sa drugim tečnostima i zagađujućim materijama.
 5. **Predtretman** je postupak otklanjanja fizičkih nečistoća i vode uz primjenu najbolje od dostupnih tehnika.
 6. **Ponovno korištenje** obuhvata postupke kojima se dobijaju novi proizvodi procesima regeneracije i drugim procesima i/ili se omogućuje ponovna upotreba i/ili direktno sagorijevanje u postrojenjima za insineraciju ili za dobijanje toplotne energije (u daljem tekstu: tretman otpadnih ulja).
 7. **Regeneracija otpadnih ulja** je postupak dobijanja baznog ulja rafinacijom otpadnog ulja uz primarno odstranjivanje nečistoća, proizvoda oksidacije i aditiva iz otpadnog ulja.
 8. **Sagorijevanje otpadnih ulja** je korištenje otpadnih ulja kao gorivo u proizvodnji toplotne energije u postrojenjima pod posebno definiranim uslovima u skladu sa posebnim propisom.
 9. **Dokumentacija o kretanju otpada** je dokumentacija koju je obavezan voditi svaki subjekt u sistemu upravljanja otpadom (proizvođač, uvoznik, sakupljač, prodavač, krajnji korisnik itd.) za svaku od aktivnosti upravljanja otpadom i istu je dužan dati na uvid nadležnim organima.
 10. **Informacioni sistem upravljanja otpadom** Federacije Bosne i Hercegovine (u daljem tekstu informacioni sistem) je informacioni sistem propisan Uredbom o informacionom sistemu upravljanja otpadom ("Službene novine Federacije BiH", broj 97/18) koji je uspostavljen i vodi ga Fond za zaštitu okoliša Federacije Bosne i Hercegovine.
 11. **Dozvolu za upravljanje otpadom** izdaje nadležno kantonalno ministarstvo za zaštitu okoliša.

II - NAČIN, POSTUPAK UPRAVLJANJA OTPADNIM ULJIMA I KARAKTERISTIKE SPREMNIKA

Član 5.

(Upravljanje otpadnim uljima)

- (1) Upravljanje otpadnim uljima je skup mjera koje obuhvata sakupljanje, razvrstavanje, transport, skladištenje i tretman otpadnih ulja.
- (2) Pravo obavljanja djelatnosti upravljanja otpadnim uljima stiče se na osnovu dozvole za upravljanje otpadom koja se dobija u skladu sa Zakonom.

Član 6. f

(Način upravljanja otpadnim uljima)

- (1) Upravljanje otpadnim uljima sprovodi se na način i po postupku koji neće predstavljati rizik od zagađenja voda, tla ili zraka, a koji se može izbjeći, radi zaštite zdravlja ljudi i okoliša.
- (2) Vrste otpadnih ulja koja su različita po porijeklu i sastavu ne mogu se međusobno miješati.
- (3) Otpadna ulja se sakupljaju u spremnike koji su pogodni za njihovo bezbjedno sakupljanje, odnosno transport i obilježeni na propisan način prema Prilogu II ovog pravilnika i čini sastavni dio ovog pravilnika.
- (4) Svako kretanje otpadnih ulja prati odgovarajuća dokumentacija u skladu sa Zakonom.

Član 7.

(Mjere upravljanja otpadnim uljima)

- (1) Upravljanje otpadnim uljima je skup mjera koje obuhvata sakupljanje otpadnih ulja radi materijalne obrade ili korištenja u energetske svrhe ili nekog drugog načina konačnog zbrinjavanja kada ih nije moguće obraditi.

- (2) Pravo obavljanja djelatnosti upravljanja otpadom (otpadnim uljima) ima pravno lice ili fizičko lice - obrtnik na osnovu dozvole za upravljanje otpadom i/ili okolišne dozvole.

Član 8. f

(Miješanje otpadnih ulja različitih kategorija)

- (1) Zabranjeno je miješanje otpadnih ulja različitih kategorija, miješanje sa drugim otpadom kao i miješanje s opasnim otpadom koji sadrži PCB/PCT.
- (2) Dozvoljeno je miješanje samo otpadnih ulja I i II kategorije prema članu 10. ovog pravilnika koja se predaju ovlaštenom sakupljaču za otpremu na termičku obradu.

Član 9. f

(Kategorije otpadnih mazivih ulja)

- (1) Svježa maziva ulja u smislu upravljanja otpadnim mazivim uljima svrstana su prema tarifnim oznakama iz Carinskih Tarifa Bosne i Hercegovine prema Prilogu I ovog pravilnika i čini sastavni dio ovog pravilnika.
- (2) U svježa maziva ulja iz stava 1. ovog člana ne svrstavaju se svježa maziva ulja i tekućine i njima srodni proizvodi koji su biljnog ili životinjskog porijekla i razgradivosti čiji su sastavni dijelovi i dodaci najmanje 60% što se dokazuje odgovarajućim certifikatom ili analizom akreditiranog laboratorija za analizu svojstava ulja biljnog ili životinjskog porijekla.

Član 10. f

(Stepen onečišćenja otpadnih mazivih ulja)

Prema stepenu onečišćenja, otpadna maziva ulja se razvrstavaju u četiri kategorije:

- I. kategorija - otpadna ulja mineralnog porijekla sa sadržajem halogena ispod 0,2% i ukupnim polihloriranim bi- i terfenilima ispod 20 mg/kg. Ova se ulja mogu obraditi i ponovo koristiti za proizvodnju svježih ulja.
- II. kategorija - otpadna ulja mineralnog, sintetičkog i biljnog porijekla sa sadržajem halogena iznad 0,2% i ispod 0,5% i ukupnim polihloriranim bi- i terfenilima iznad 20 mg/kg i ispod 30 mg/kg. Ova se ulja mogu koristiti kao gorivo u energetske i proizvodnim postrojenjima instalisane snage uređaja veće ili jednake 3 MW ili u pećima za proizvodnju klinkera u tvornicama cementa.
- III. kategorija - otpadna ulja nepoznatog porijekla i sva druga otpadna ulja sa sadržajem halogena iznad 0,5 %, ukupnim polihloriranim bi- i terfenilima iznad 30 mg/kg i plamenicima ispod 550° C. Ova se ulja moraju spaljivati u pećima za spaljivanje opasnog otpada minimalne djelotvornosti 99,99 %.
- IV. kategorija - poliglikoli/oliglikoli, otpadna ulja na bazi poliglikola/oliglikola koja se radi ne miješanja s ostalim uljima iz I i II kategorije, kao i posebnih zahtjeva u postupku odstranjivanja moraju skupljati i obraditi i/ili zbrinuti odvojeno.

Član 11. f

(Karakteristike spremnika za sakupljanje otpadnih ulja)

- (1) Spremnici za sakupljanje otpadnog mazivog ulja moraju biti nepropusni i zatvoreni i uz propisanu oznaku ključnog broja otpadnog ulja moraju nositi i oznaku kategorije otpadnog ulja.
- (2) Krajnji korisnici otpadnih jestivih ulja, dužni su osigurati da se otpadna jestiva ulja, koja nastanu pripremom hrane skupljaju odvojeno od drugog otpada u posebnim spremnicima.
- (3) Spremnici za sakupljanje otpadnog jestivog ulja moraju biti nepropusni i zatvoreni i nositi oznaku ključnog broja otpadnog jestivog ulja.

III – CILJEVI I REGENERACIJE OTPADNIH ULJA I POSTUPCI UPRAVLJANJA OTPADNIH ULJA

Član 12.

(Ciljevi upravljanja otpadnim uljima)

- (1) U cilju smanjenja uticaja otpadnih ulja na okoliš i ljudsko zdravlje, kao i cilju iskorištenja vrijednih svojstava iz otpadnih ulja mora se osigurati odvojeno sakupljanje i tretman svih otpadnih ulja u skladu sa Zakonom i ovim pravilnikom.
- (2) Sva prikupljena otpadna ulja se trebaju tretirati.
- (3) Sakupljanje i tretman otpadnih ulja će se pratiti kroz Informacioni sistem upravljanja otpadom, te će se na temelju podataka o stanju na tržištu naknadno propisati ciljevi.
- (4) Ukoliko se otpadna ulja tretiraju u postrojenjima izvan Bosne i Hercegovine, ta se količina uračunava u postavljeni cilj.

Član 13.

(Materijalni i termički oporavak otpadnih ulja)

- (1) Materijalni oporavak otpadnih ulja ima prednost ispred ostalih načina tehnoloških postupaka obrade.
- (2) U slučaju da se otpadna ulja ne obrađuju materijalnim tretmanom već oporavljaju termičkom obradom, mora se osigurati da se termička obrada obavlja prema propisima koji uređuju područje zaštite okoliša u energetske i proizvodnim postrojenjima instalisane snage uređaja veće ili jednake 3MW.
- (3) Otpadna ulja za čiji tretman nema tehničkih i tehnoloških uslova u Federaciji BiH, izvoze se na tretman u postrojenjima izvan Federaciji BiH.
- (4) Termička obrada otpadnih ulja odnosno upotreba otpadnih ulja kao goriva mora se obavljati na način da se poštuju granične vrijednosti emisija propisane posebnim propisom.

Član 14.

(Oporavak otpadnih ulja koji sadrže polihlorirane bifenile (PCB-e) i polihlorirane terfenile (PCT-e))

Materijalni postupak obrade (reparacije) otpadnih ulja koji sadrže polihlorirane bifenile (PCB-e) i polihlorirane terfenile (PCT-e) može se dopustiti ukoliko se postupci materijalnog postupka obrade (tretmana) otpadnih ulja koriste da se PCB i PCT uništi ili smanji na način da ulja dobijena materijalnim postupcima obrade (tretmana) otpadnih ulja ne sadrže PCB-e i PCT-e iznad najviše dopuštene granice od 5 mg/kg.

Član 15.

(Zbrinjavanje ostataka otpada koji nastane nakon regeneracije)

Pepeo, mulj i drugi otpad koji nastane nakon postupka obrade (regeneracije i/ili tretmana) ili ponovne upotrebe otpadnih ulja mora se zbrinuti u skladu sa Zakonom.

IV - OBAVEZE I DUŽNOSTI UČESNIKA U UPRAVLJANJU OTPADNIM ULJIMA

Član 16.

(Obaveze proizvođača, uvoznika proizvoda i distributera)

- (1) Proizvođač, uvoznik i distributer su obavezni da:
 - na ambalaži ili pratećoj dokumentaciji, uz isporučena ulja, istaknu informaciju o obavezi odvojenog sakupljanja otpadnih ulja, te navedu upute o načinu postupanja s otpadnim uljima;
 - na svojoj internet stranici i katalogima proizvoda koji sadrže ulja, istaknu informacije o obavezi odvojenog sakupljanja otpadnih ulja, te navedu upute o načinu postupanja s otpadnim uljima.
- (2) Proizvođač, uvoznik i distributer je dužan izvještavati o količini ulja koje stavlja na tržište na području Federacije

BiH kao i o količini ulja koje se kao zaseban proizvod ili sastavni dio drugog proizvoda izvozi iz Federacije BiH.

- (3) Proizvođač, uvoznik i distributer je dužan uplatiti naknadu Fondu za upravljanje otpadnim uljima, srazmjerno količini ulja koje je stavio na tržište u skladu sa Uredbom o proizvodima koji poslije upotrebe postaju posebne kategorije otpada i kriterijima za obračun i način plaćanja naknada ("Službene novine Federacije BiH", broj 59/21).
- (4) Proizvođač, uvoznik i distributer je dužan izvještavanje vršiti elektronski u Informacionom sistemu upravljanja otpadom.

Član 17.

(Obaveze ovlaštenog operatora za sakupljanje otpadnih ulja)

- (1) Sakupljanje otpadnih ulja obavlja Ovlašteni operator za sakupljanje koji posjeduje dozvolu za upravljanje otpadom i/ili okolišnu dozvolu koja uključuje i otpadna ulja u skladu sa Zakonom.
- (2) Pravo na poticaje u vidu finansijske pomoći za aktivnosti sakupljanja otpadnih ulja prema količini predanoj na dalju obradu ovlaštenom operatoru za tretman, mogu ostvariti ovlašteni i registrovani sakupljači koji posjeduju dozvolu za upravljanje otpadom i/ili okolišnu dozvolu i to za otpadna ulja.
- (3) Poticaji iz stava (2) ovog člana mogu se dobiti samo jednom za iste sakupljene količine otpadnih ulja ili od Fonda ili fonda za zaštitu okoliša kantona ili kantona.
- (4) Poticajna sredstva dodjeljuje Fond, fond za zaštitu okoliša kantona i kanton, na osnovu javnog konkursa koji se raspisuje jednom godišnje, a sve u skladu sa Uredbom o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava ("Službene novine Federacije BiH", broj 59/21) u daljem tekstu: Uredbom.
- (5) Na javni konkurs mogu se prijaviti samo ovlašteni i registrovani sakupljači koji posjeduju dozvolu za upravljanje otpadom i to otpadnim uljima, te koji su registrovani u Federaciji BiH i redovno izvještavaju Fond, tj. unose podatke u Informacioni sistem upravljanja otpadom.
- (6) Javnim konkursom će se od ovlaštenih sakupljača tražiti da dostave ispis iz Informacionog sistema upravljanja otpadom kao i prateće listove kao dokaz o ukupno sakupljenim količinama otpadnih ulja za predmetnu godinu.
- (7) Fond ili fond za zaštitu okoliša kantona ili kanton dodjeljuju poticaje iz raspoloživog budžeta ovlaštenim sakupljačima iz Federacije BiH samo za količine koje su sakupili na teritoriji Federacije BiH i predali na dalju obradu ovlaštenom operatoru na teritoriji Bosne i Hercegovine ili su ih izvezli.
- (8) Ovlašteni operator za sakupljanje je dužan redovno unositi sve podatke u Informacioni sistem upravljanja otpadom.
- (9) Ovlašteni operator za sakupljanje obavezan je bez troška preuzeti otpadna ulja od Krajnjeg korisnika.
- (10) Ovlašteni operator za sakupljanje obavezan je preuzeti otpadna ulja od onog Krajnjeg korisnika s kojim ima sklopljen ugovor u roku od 15 dana, od dana poziva.
- (11) Ovlašteni operator za sakupljanje obavezan je sva preuzeta otpadna ulja predati Ovlaštenom operatoru za tretman.
- (12) Ovlašteni operator za sakupljanje je obavezan do kraja mjeseca za prethodni mjesec u Informacioni sistem o upravljanju otpadom dostaviti podatke o količinama otpadnih ulja koje je sakupio i predao Ovlaštenom operatoru za tretman otpadnih ulja u formi definisanoj u Informacionom sistemu.
- (13) Ukoliko u Bosni i Hercegovini ne postoje kapaciteti za tretman otpadnih ulja u skladu sa Zakonom i ovim

pravilnikom, ovlaštenu operatora za sakupljanje je obavezan sakupljena otpadna ulja izvesti iz Bosne i Hercegovine i Fondu dostaviti dokaz o izvozu i obradi tog otpada što dokazuje propisanom dokumentacijom o prekograničnom prometu otpadom u skladu sa Zakonom.

Član 18.

(Obaveze ovlaštenog operatora za tretman otpadnih ulja)

- (1) Tretman otpadnih ulja obavlja Ovlašteni operator za tretman koji posjeduje dozvolu za upravljanje otpadom i/ili okolišnu dozvolu koja uključuje i otpadna ulja u skladu sa Zakonom.
- (2) Pravo na poticaje u vidu finansijske pomoći za aktivnosti reciklaže/tretmana otpadnih ulja prema količini prerađenog, recikliranog ili pripremljenog za energetske korištenje, otpada od ulja, mogu ostvariti ovlaštenu i registrovani operatori-obradivači otpada koji posjeduju dozvolu za upravljanje otpadom i/ili okolišnu dozvolu i to za otpadna ulja.
- (3) Poticaji iz stava (2) ovog člana mogu se dobiti samo jednom za iste reciklirane/tretirane količine ulja ili od Fonda ili fonda za zaštitu okoliša kantona ili kantona.
- (4) Poticajna sredstva dodjeljuje Fond, fond za zaštitu okoliša kantona i kanton, na osnovu javnog konkursa koji se raspisuje jednom godišnje, a sve u skladu sa Uredbom o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava ("Službene novine Federacije BiH", broj 59/21).
- (5) Na javni konkurs mogu se prijaviti samo ovlaštenu i registrovani operatori-obradivači otpada koji posjeduju dozvolu za upravljanje otpadom/okolišnu dozvolu i to otpadnim uljima, te koji su registrovani u Federaciji BiH i redovno izvještavaju Fond, tj. unose podatke u Informativni sistem upravljanja otpadom.
- (6) Javnim konkursom će se od ovlaštenih operatora-obradivača otpada tražiti da dostave ispis iz Informativnog sistema upravljanja otpadom kao i prateće listove kao dokaz o ukupno sakupljenim količinama otpadnih ulja za predmetnu godinu.
- (7) Fond ili fond za zaštitu okoliša kantona ili kanton dodjeljuje poticaje iz raspoloživog budžeta ovlaštenim operatorima-obradivačima otpada iz Federacije BiH samo za količine koje su preuzeli i obradili sa teritorija Federacije BiH.
- (8) Ovlašteni operator-obradivač otpada je dužan redovno unositi sve podatke u Informativni sistem upravljanja otpadom.
- (9) Ovlašteni operator za tretman je obavezan preuzeti na tretman količine otpadnih ulja od sakupljača sa kojima ima ugovor, te ih tretirati u cijelosti u skladu sa Zakonom i ovim podzakonskim aktom.
- (10) Ovlašteni operator za tretman je obavezan do kraja mjeseca za prethodni mjesec dostaviti u Informativni sistem upravljanja otpadom podatke o količini preuzetih i obrađenih otpadnih ulja te o količini izvezenog otpada radi obrade u formi definisanoj u Informativnom sistemu.

Član 19.

(Obaveze upravitelja reciklažnog dvorišta)

- (1) Upravitelj reciklažnog dvorišta dvorište je obavezan bez troška preuzeti otpadna ulja od krajnjeg korisnika- fizičkog lica.
- (2) Upravitelj reciklažnog dvorišta je obavezan sve preuzete količine otpadnog ulja predati Ovlaštenom operatoru za sakupljanje ili Ovlaštenom operatoru-obradivaču otpada.
- (3) Upravitelj reciklažnog dvorišta je dužan na vidnom mjestu postaviti obavijest krajnjem korisniku- fizičkom licu o mogućnosti predaje odnosno o obavezi preuzimanja

otpadnih ulja oznakom sadržaja "PREUZIMAMO OTPADNA ULJA" te na zahtjev krajnjeg korisnika obavijestiti ga o načinu i uvjetima preuzimanja.

Član 20.

(Obaveze serviseru)

- (1) Serviser je obavezan bez naknade preuzeti otpadna ulja od krajnjeg korisnika.
- (2) Serviser će preuzeta otpadna ulja predati ovlaštenom operatoru za sakupljanje ili ovlaštenom operatoru-obradivaču otpada.
- (3) Serviser je dužan na vidnom mjestu postaviti obavijest krajnjem korisniku- fizičkom licu o mogućnosti predaje odnosno o obavezi preuzimanja otpadnih ulja oznakom sadržaja "PREUZIMAMO OTPADNA ULJA" te na zahtjev krajnjeg korisnika obavijestiti ga o načinu i uvjetima preuzimanja.

Član 21.

(Obaveze krajnjeg korisnika)

Krajnji korisnik ulja obavezan je otpadna ulja odvajati od miješanog komunalnog otpada i od ostalih vrsta otpada te ih odvojene predati ovlaštenom operatoru za sakupljanje otpada, upravitelju reciklažnog dvorišta ili serviseru prilikom zamjene ulja.

Član 22.

(Obaveze Fonda, fonda za zaštitu okoliša kantona i kantona)

- (1) Fond, fond za zaštitu okoliša kantona i kantoni iz svojih budžeta će raspoređivati naknade prema Uredbi o načinu raspodjele i ulaganja prikupljenih naknada za posebne kategorije otpada i uvjetima za dodjelu poticajnih sredstava ("Službene novine Federacije BiH", broj 59/21).
- (2) Fond je obavezan voditi i održavati informativni sistem upravljanja otpadom putem kojeg se prikupljaju podaci o količini ulja stavljenih na tržište na teritoriju Federacije Bosne i Hercegovine, količini sakupljenih otpadnih ulja i količini tretiranih otpadnih ulja, uljima koja su uvezena radi tretmana i izvezena na tretman te količini izvezenog otpada nastalog tretmanom otpadnih ulja radi daljnje obrade.
- (3) Fond je obavezan do 30. juna tekuće godine Ministarstvu podnijeti godišnji Izvještaj o upravljanju otpadnim uljima koji sadrži:
 - Pregled prijavljenih proizvođača i uvoznika koji plasiraju ulja na tržište Federacije BiH kao i količinu ulja stavljenih na tržište na teritoriju Federacije BiH.
 - Pregled ovlaštenih operatora za sakupljanje i tretman koji su se registrovali sa količinama otpadnih ulja koje su prijavili da su ih sakupili i/ili obradili.
 - Finansijski izvještaj o prihodu od naknada, te iznosu isplaćenih naknada za sakupljanje otpadnih ulja i tretman otpadnih ulja u prethodnoj kalendarskoj godini sa podacima o korisnicima poticaja, te količinama za koje su isplaćeni poticaji, te ulaganja u infrastrukturu upravljanja otpadom.
 - Pregled aktivnosti na promociji sistema za sakupljanje i tretman otpadnih ulja.
 - Pregled izvještaja koje dostavljaju fond za zaštitu okoliša kantona i kantoni.
- (4) U sklopu aktivnosti na promociji sistema za sakupljanje i tretman otpadnih ulja fond za zaštitu okoliša kantona i kantoni će na godišnjoj osnovi organizirati informativne kampanje za učesnike u sistemu tretmana otpadnih ulja, te programe obuke za ispravnu primjenu ovog podzakonskog akta.
- (5) U sklopu aktivnosti na razvoju sistema za sakupljanje i tretman otpadnih ulja, fond za zaštitu okoliša kantona i kantoni će na godišnjoj osnovi organizirati programe obuke

za razvoj poduzetništva i partnerstva u oblasti reciklaže, tretmana i energetskeg korištenja otpadnih ulja, raditi na osiguranju finansijskih instrumenta kao podršku investicijama u oblasti reciklaže, tretmana i energetskeg korištenja otpadnih ulja.

- (6) Fond, fond za zaštitu okoliša kantona i kantoni su obavezni da iz 20% sredstava za ulaganja u infrastrukturu upravljanja otpadom kroz Javni konkurs predvide sufinansiranje izgradnje reciklažnih dvorišta.

Član 23.

(Obaveze kantona, odnosno kantonalnih ministarstava nadležnih za okoliš)

- (1) Kantoni, odnosno kantonalna ministarstva nadležna za okoliš su dužni učestvovati u sistemu sakupljanja otpadnih ulja.
- (2) Kantoni, odnosno kantonalna ministarstva nadležna za okoliš su dužni na svom području u planskim dokumentima planirati dovoljan broj lokacija na kojima se može izgraditi reciklažno dvorište za otpadna ulja, te obavljati djelatnosti sakupljanja, povrata komponenti i zbrinjavanja otpadnih ulja u skladu sa odredbama Zakona i ovog pravilnika.
- (3) Fond za zaštitu okoliša kantona i kantonalna ministarstva nadležna za okoliš su dužni dostavljati izvještaj iz člana 22. stav (3), alineja 2., 3. i 4. ovog pravilnika Fondu i Ministarstvu najkasnije do 31.03. tekuće godine za prethodnu godinu.

V - ZAVRŠNE ODREDBE

Član 24.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Federacije BiH", a primjenjivati će se od 01.01.2022. godine.

Broj 07-23-1166/15-1/18-1
05. novembra 2021. godine

Ministrica
Dr. Edita Đapo, s. r.

PRILOZI

PRILOG I

TARIFNE OZNAKE MAZIVIH ULJA PREMA UREDBI O CARINSKOJ TARIFI ZA KOJE SE PLAĆA NAKNADA ZBRINJAVANJA OTPADNIH MAZIVIH ULJA PREMA OVOM PRAVILNIKU

Nafna ulja i ulja dobivena iz bitumenskih minerala, osim sirovih; proizvodi što nisu spomenuti niti uključeni na drugom mjestu, što sadrže 70 % ili više masenog udjela naftnih ulja ili ulja dobivenih iz bitumenskih minerala, što čine osnovne sastojke tih ulja osim opadnih ulja
□ 2710 19 81 – motorna ulja, kompresorska ulja za podmazivanje, turbinska ulja za podmazivanje
□ 2710 19 83 – tečnosti za hidrauliku
□ 2710 19 87 – ulja za mjenjače i reduktore
□ 2710 19 91 – ulja za obradu kovina, za odjeljivanje kalupa, ulja protiv korozije
□ 2710 19 93 – elektroizolacijska ulja
□ 2710 19 99 – ostala ulja za podmazivanje i ostala ulja i masti
Preparati za podmazivanje (uključujući one na bazi ulja za podmazivanje i otpuštanje vijaka i matica, preparata za koroziju i preparata za podmazivanje) i preparata koji se koriste za doradu i bojenje tekstila, kože, krzna ili drugih materijala, osim proizvoda koji sadrže 70 mas.% ili više naftnih ulja ili ulja dobivenih od bitumenskih minerala kao osnovnih sastojaka.
□ 3403 19 91 – preparati za podmazivanje mašina, uređaja i vozila
□ 3403 19 99 – ostalo
□ 3403 99 10 – preparati za podmazivanje mašina, uređaja i vozila – ostalo

□ 3403 99 90 – ostalo

□ 3819 00 00 – tečnosti za hidrauličke kočnice i ostale pripremljene tekućine za hidraulički prijenos što ne sadrže ili sadrže manje od 70 % masenog udjela naftnog ulja ili ulja dobivenih iz bitumenskih minerala

PRILOG II

Postrojenja za skladištenje i tretman otpadnih ulja trebaju da ispunjavaju slijedeće uslove:

- Otpadna ulja skladištiti u cisterne koje su postavljene van plavnog područja. Pristup skladištima mora biti siguran i pod kontrolom.
- Cisterne za skladištenje moraju biti proizvedene u skladu sa standardom kvaliteta ISO 9001:2000. Metalne cisterne treba da zadovolje standard BS 799-5:1987.
- Cisterne, burad i drugi kontejneri za ulje moraju biti dovoljno čvrsti da se ulja skladište bez curenja ili pucanja.
- Cisterna mora biti udaljena više od 10 m vodotoka.
- Mora postojati sekundarni bazen. Svaki rezervoar za ulje mora biti ograđen bazenom kako u slučaju izlivanja ulja ne bi došlo do zagađenja zemljišta ili podzemnih voda.
- Sekundarni bazen mora biti nepropusan za ulje i vodu.
- Sekundarni bazen mora imati kapacite da primi 110% cisterne. Ako u skladišnom prostoru ima dvije ili više cisterne, bazen mora biti dovoljno veliki da primi 110 % najveće cisterne ili 25 % totalnog kapaciteta skladišta (bira se veći procenat od ova dva). Kod procenta 110% dodatnih 10 % odnosi se na eventualno prosipanje cijelog sadržaja, pjena od gašenja požara ili kišnicu 10% je najmanje procenat koji treba dodati. U nekim slučajevima može se pokazati da to nije dovoljno, naručito u slučajevima kada je cisterna smještena u osjetljivim područjima, gdje je potreba dodatna zaštita.
- Ako je ulje uskladišteno u buradima, bazen mora da primi 25% ukupna količine.
- Cisterna mora biti postavljena tako da se izbjegnu oštećenja od udara. Ukoliko to nije moguće, mora se obezbijediti neka vrsta zaštite u visini odbojnika ili ograde.
- Sekundarni bazen ne smije imati nikakvu drenažu niti odvod koji bi odveo ulje ili vodu iz bazena u vodotok, kanalizaciju ili tlo.
- Sve cijevi, pumpe ili druga oprema moraju biti u sekundarnom bazenu. Svi spojevi moraju biti pristupačni za inspekciju.
- Sve cisterne i burad moraju biti adekvatno označeni, moraju biti naznačeni kapacitet i vrsta ulja.
- Svako skladištenje, prevoz ili tretman upotrijebljenog ulja mora biti popraćen odgovarajućom dokumentacijom sa navodom ključnih fizičkih i hemijskih svojstava upotrijebljenog ulja, što uključuje najmanje temperaturu plamišta, sadržaja PCB/PCT i halogena (hlor, brom, fluor).

2155

Na temelju članka 58. stavka (4) Zakona o gospodarenju otpadom ("Službene novine Federacije BiH", br. 33/03, 72/09 i 92/17), federalna ministrica okoliša i turizma donosi: